

و امرم شورى بينهم

فخري

۱۳۱۴

(شورای امت)

تخليص وطن

اعلاى دين

سنة ۲

نومرو ۱۱

آبونه بدلى: هرير ايچون سنه لکى آلتش غروشدر.

(پازار ايرتسى کونلرى نشر اولتور)

آدره سمز:

داخلده بولنان ارباب غيرت وحيته نشر ونعيمى
تعهد اينديكى حالده مجاناً ده کوندر يلور.

نه ممکن ظلم ايله بيداد ايله احاي حريت
چاليش ادراکى قالدیر مقتدر سهك آدميتدن

قانون اساسى

سندوق البوسته نمرة « ۳۳۰ » مصر القاهرة.

GANOUN-I-ESSASSI

BOITE SPECIALE

N 330

CAIRE, EGYPT,

کمال

مدیر مسئولی:

ص. جمال

نسخه سی ۱ غروشدر

القعده سنه ۱۳۱۵

عثمانلى اتحاد و ترقى جمعيتك مروج افكاريدر

۱۶ مارت سنه ۱۳۱۴

افتخار ایدیوروز. ایست حرکت کز دلالت ابتدکی معنا بود.

اشتیاقه سندن بدتر اولان بو حکومت حیدییی صلاحه و حسانه چقار یولله سوق ایتک امیدو چاره سی قالدی . تکرار ایدیوروز . مظلوم و بی حضور اولان حکومت دکل ملندر . ملتی مظلوم و بی حضور ایدن حکومتدر . میدانده انصاف و صلاحه رجعت ایده جک حکومت یوقدر . ظالمت و مظلومیتک رفعی ، ظالمتک نیجه عدالت دوشمه سنه ملنک مظهر ابتاه اوله سنه موقوفدر . بزده آنجق بویکی املی تعقیب ایدیوروز . حیات و مقدر عز اولدجده تعقیب ایده جکر ! (راوی) لرك (غاوی) اولدینی سقیم دیه پادشاه طرفدن افترا ره اوغرا سیلانلرك مستقیم بولندینی اظهار ایده جکر . اظهار حق ایتش اولقله حسن ایتدیکمز ذوق معنوی ، بیگانه لر طرفدن هدف ایدلیمکز تعریضات و تجاوزاتی حکمز بر اقیور و راقه جقدر .

برکرد



علوم ظاهره و باطنه ده بد طولی صاحبی ، فقر فقهای ایم . سرفراز اهل کلام بر ذات ستوده صفات طرفندن تربیت و رساله خلافت و امامت و رهبر نجات امت . نام ابهاج اناسیمیه تسمیه اوله رقی قانون اساسی غزیه سیله نشر و بعدد آروجه طبع ایدلک اوزره طرف عاجزانه مزه تسرب ایدلش اولان شورسالة حقیقت اساله بی درج ابله تربین سطور مفخرت ایلرز .

مقدمه

خلافت و امامت و اولوالامرہ اطاعت و اصول مشورت کی امور مهمه شریعتنک احکام جلیله سندن بونلردن مقصود اولانشی ایسه تأسیس مدنیت و محافظه ملیت و اجرای عدالت ابله دنیوا آخرت سعادت لرینه تألیت اولدینی جهته اولجه بومین اساسله و بوقوی مبالره بحق رعایت و دقت اولمش و بناء علیه حکومت اسلامیة (بر حکومت فاضله و محکمه عادلہ) عنوانی آیش و بوسیله آزر زمان ظرفنده اسلامیت بتون اقتدار جهانہ نشر انوار عدالت ایده رک فضیلت و مزینتی یار و اغیاره تسلیم ایتدیر میشیدی .

فقط حیفاکه صوکره دن ظهور ایدن ملوک متغلبه بونی سوء استعمال ایتدیلر . حظوظات نفسا نه لرینه مغلوب اولوب ابراز سلطنت و اجرای

سفاهت داغوه سنه دوشدیلر . شریعتنله قابل توفیق اولیان بو اغراض خود پسندانہ لرینی اجرایه وسیله ایچون ده ارباب رزالت و ذناتی اعلایه و اصحاب جیت و دیانتی دخی احایه باشلادیلر . نهایت غبطه بخش جهان اولان او حکومت مقدسه مز ، او اصول مشروعه مز بالکلیه اسانندن چیقدی . عادنا بر حکومت وحشیه حاکم کیدی . اومت نیجه مز بر وادی جهالتده قالب خلافت و امامتی ملوک ظلمه به مخصوص برادره کیفی دن و اولوالامرہ اطاعتی ده ملوک مذکورہ به علی العما اقتیاددن عبارت ظن ایتدیلر . بو جهته مالا و بقدا تحت اسارتہ آتوب هر درلو نعمتدن و آثار مدنیتدن محروم قالدیلر . حتی اجانبک مسخره سی اولدیلر .

باخصوص دور حیدیده اهل اسلامه اوله بر دور غوناقی عارض اولدی که همان (وضربت علیہم الذلہ) آیت جلیله سنه ماصدق اولغه یا قلاشدیلر . کندیلرینه (یا هو ! نه در بواسارت ؟ نه در بو حقارت ؟ سز بودنیایه بر آدمک کیفته خدمت ایتکمز آنک سفاهته قربان اولوب کیمه به می کلدیکر ؟) دینلده کده بیچاره ملت ! شریعت احمدیه نک کندیلرینه احسان یورمش اولدینی حریت و مساواتدن غافل اوله رق ککروه مکروهین طرفندن یابان قوشی کی باله مش اولدقلری شو : « اولوالامرہ اطاعت و ایچیدر . خلیفه روی زمین اوله ایسته یور . بز آنک امرندن بشقه برشی طایفه یز . آنک یولنده مال و جانمزی فدایه مجبورز » طرز زنده بر طاقم تقووات جاهلانہ ایله مقابله ایدلر . آنلرک بودر جههالت و حماقتلری ایسه کرک خارجا و کرک داخل بالجله اصحاب حیت و ارباب مروقی دوچار یاس و فتور ایتکده ایدی .

هله حد آتمشکرأ بعض وطنپرور آنک همت و غیر تلریله بر قاج سنده دینیری ملت بریار جه او یاندی یواش یواش خلافت و امامت و اولوالامرہ اطاعت و اصول مشورت نه دیمک اولدینی اوکره تلمک باشلاندی ، شوراده بوراده اداره حاضره مستبده علینه سوزلر ایشیدیلر اولدی . نهایت (مجددین) عنوانه و طنپور و و حیکمت بر طاقم ذوات ظهور ایتدی . لکن بو ذوات کرام و اولوالافهامک واسطه نشر و افکار کی بالطبع غزیه لر اولقی لازم کلوب حکومتز ایسه بو کی احرا رانه و محفانه اورا تک نشرینه مساعده ایتک شوبله طور سون اوله بر امر خیره تثبیت ایدنلرک اعدام لرینه حکم کوره جکی درکار بونلندیندن بوغور آدملر بالضرورتک وطن ایده رک اسویمچره ، پارس ، قاهره کی مرکز مدنیت و خادم انسانیت اولان محملره التجا ایدیلر . و اورا زرد بر مرعظمه کشاد ایده رک عثمانی ، مشورت ، قانون اساسی و سائر کی عنوانلر آتند غزیه لر نشرینه باشلادیلر . واقعا استابول و سائر بلاد عثمانیه ده نشر اولنان

غزیه لر امور سیاسی جدیده دن اصلا بحث ایتجوب آنجق پادشاه زمانک بر طاقم اجراآت ابله فریبانه سنی بر جوق ساخته الفاظ تعظیمیه و تکریمیه ابله خلقه نشر ایده رک افراد ملنک کوز لرینی باغلامقله اوقا تکذار اولدقلری جهته ملتمزک شو حال غفلت و وادی جهالتده قالمیرنه نظر آ مجددین طرفلر دن نشر اولنان مذکور غزیه لرک بر نتیجه حسنہ انتاج ایده سیله جکلری اول امره ده مأمول دکل ایدی ایسه ده آرتق ملنک بو نیجه سله لر دینری دوچار اوله کلدیکی فلاکت و اسارتدن خلاص و نجات بوله جتی زمان کلش اولمیدر که بعون خدا بو غزیه لر ملنک کوزینی ایجه آجیدی . اهلینک بر قسمنه وظائف حکومتی و حقوق ملتی آ کلا ددی .

فقط دیگر قسمی اولو الامرہ اطاعتک و وجوبی مسئله سنی میدانه آه رقی مجددینک بو تشبیلرینه معترضانہ و فقط بک جاهلانہ بر نظره باقوب (بونلر ، شوبله بویه دیورلر اما سلطان حید خلیفه روی زمین اولدینی و بناء علیه یزم ده آکا اطاعت مز شرعاً واجب بولندینی جهته بز آکا قارشی اصلا بر حرکت متخالفانه ده بولغه یز) کی تقووات ابلهانه دن و از کیمدی . بناء علیه هم ملتمزی شو کر داب ضلالتدن و وادی جهالتدن قور بارمق و هم ده بوجمیت خیریه ناجیزانه بر خدمته بولنقی مقصدیه کتب اسلامیہ مزک معتبرلرندن خلاصه ایده رک ایکی باب و برخانه بی مشتمل اولقی اوزره خلافت و امامت و اولوالامرہ اطاعت و اصول مشورته متعلق بر رساله تحریرو تأثیرینی خدای متعال حضر تلرینه تقویض ایدم و بالله التوفیق .

باب اول

(امامت و خلافت بیاننده اولوب) .

(ایکی فصلی حاویدر)

برنجی فصل — ایکی مطلبی متضمندر .

برنجی مطلب — تعریف امامت بیاننده در . امامت ایکی دور لو تعریف اولمشدر .

برنجی تعریف — « امامت » دین و دنیا امورنده ریاست عامه در .

ایکنجی تعریف — « امامت » کندینه اتباع ، کافه امته واجب اولور درجه ده دین مینی اقامه و حوضه ملتی حفظ و حمایه خصوصنده رسول علیه السلام خلافت و وکالتدر .

بویکی تعریفدن برنجی تعریف اغیار معرفدن اولان نبوته دخی شامل اولوب ایکنجی تعریف ایسه بویکی محذور دن سالمدر . بناء علیه ایکنجی تعریف برنجی تعریفدن اولی و راجحدر .

ایکنجی مطلب

(نصب امامک وجوبی بیانده در)

اهل سنت والجماعة عندنده بر امام نصب اتمک اوزریمزه شرعاً واجیدر. معتزله و زیدیه عندنده شرعاً دکل عقلاً واجیدر. معتزله دن جاحظ و کعبی و ابو الحسین «نصب امام هم عقلاً همده شرعاً واجیدر» دیدیلر. امامیه ایله اسماعیلیه ده «نصب امام بزه دکل بلکه الله واجیدر» رأینده بولندیلر. خوارج طائفه سی دخی نصب امام نه ناسه ونهده الله واجب اولوب بلکه آنک جائزآدن اولدیفنه قائل اولدیلر. هاشم غوطی واتسای کبی خوارجدن بعضیری ایسه بومشایه تفصیل ایدوب «امن و آسایش زماننده نصب امامک وجوبه قته و فساد زماننده دخی عدم وجوبه» قائل و برقومده بونک عکسه ذهاب اولمشدر.

بوکبی مسائله عقل ایچون بر حکم و بر طریق بولمادیقی و هیچ برشی دخی الله واجب اولمادیقی محل مخصوصنده بر اهلین عیدیه ایله تحقیق و تبیین ایشدر. بناءً علیه نصب امام الله واجب اولمادیقی کبی بزهده عقلاً واجب دکلدیر. بلکه شرعاً واجیدر که بوده بروجه آتی ایکی وجه ایله ثابتدر.

وجه اول — وقتک بر خلیفه دن ور امامدن خلوی جائز اولمادیقی صدر اولده یعنی ابتدای اسلامده وفات نبی نبی متعاقب بالجملة اصحاب کرام اجماع و اتفاق ایندکلی تواتراً ثابت اولدی. حتی رسول اکرم افندیگز ارتحال دارفا بیور دینی کون صدیق اعظم مشهور خطبه سنده: «ای جماعت مسلمین! وای زمرة موحدین! آگاه اولو که حضره محمد صلی الله علیه و سلم وفات ایندی. بودین مینی اقامه واحکام متفهمی حفظ و حایه اید جک بر کیمسه لازمدیر.» دیدکده جماعتک هبسی صدیق بوسوزی قبوله ببادرت و مسارعت ایلدیلر. «بویله بر کیمسه یه حاجت یوقدز.» دیدیلر. بلکه کافه سی بورای سدید ایله اتفاق ایدوب «بوامر عظیمه سن باق!» دیدیلر. و علی الصبح — کندیلر بجه اهم امور اولان دفن رسولدن اول — سقیفه نبی ساعده یه طویلا نوب حضرت صدیق بیعت ایندیلر. و بعدده رسول اکرمی دفن ایلدیلر. آدن موکرده دخی تازمانزه قدر (صاحب موافق قاضی عضدک زمانه قدر) هر عصرده اهل اسلام بومسک مستقیم اوزره ثابت اولوب هیچ بروقت زمانلری خلیفه دن خالی بر اقدیلر. ایندی ادله شرعیة اربعه دن بولان (اجماع امت) دلیل شرعیسیله نصب امام اوزریمزه واجب اولدی.

(ما بعدی وار)

اتحاد اسلام مقاله سندن

(مابعد)

سوزک خلاصه سی اوسترا یاده اهل اسلام عبد الحمید خاتک دعوتنه اجابت و بزه فعلاً معاونت اید بیه جک بر حالده بولنیور. بچاره لر برشی یاه بیهلر دریغ معاونت ایتزلر. شمدیکی حالده معذور درلر.

اهل اسلامی جوق و حکمز، حکومتی متعدد و بالنسبه بزه قریب و آیشیق اولان شمالی افریقا اهل اسلامی برشی یایق اقتدارده اولمازسه و قدر اوزاق، احوال عالمدن بی خبر هر سلاحدن محروم و خلفه ضعیف بچاره جاوه لیلر نه یاه بیلیر؟ الک زیاده امید اوله بیان هندستان اهل اسلامدن سنی قسمی خیریمزه یالکر دعا بدر عجزه کرویدر. صلاحیت دینی لری واردر. فقط حرب و ضربه میل و هو ساری یوقدر. طائریه واقف اولانلرک افاده سنه باقیلیرسه عمومیت اعتباریله هند لیر مصر لیلر دن کیردیلر.

حیات سیاسی لری بزم حیاتزه قائم اولان مصر لیلرک بزه فعلاً معاونتاری امید اینلرکن هند لیلر دن نه معاونت بلکه نه بیلیر؟ هند اهل اسلامک علما سیله کبراسی سیاست خصوصنده کیمسه یه طاشمازلر. انگلیز اداره سنی امور دینی لریه هیچ بر وجهله منافق کور مدکرلر دن سکوت ایدوب ایشلریه باقیورلر. حاللر دن راضی اولدقلریه دلیل ایسه طقسان بیک قدر انگلیزک قوجه هندستانی اداره اید بیلیمیدر. هند لیلرک دین بایندحر اولقدن غیری املاری یوقدر. بوايه ملککلر نه برکالدیر. بزه بعضیلرک طرفدارانی مسلمان اولدیفنمزدن، اولو کمزی آرزو ایندکلی کبی ناشیدر. بونلر بزم اولو کمزی آرزو ایندکلی کبی بخارا، زنکار، مراکش، ایران و سائر ممالک مسلمانلرک ده اولو کمکی ایتزلر. هر کس ایسه دیک خلیفه یه دعا اید بیلیر. هند اهل اسلامی تشویقات حنه ایله بر آزارده طویلا یوب بزه شمدی معاونتده بولمشلر در. دیگر مسلمانلر ده بویولده الدن کان معاونتی دریغ ایتزلر.

مالا قه شبه جزیره سنده و انگلیز حایه سنده بر قاج اوراق اسلام حکومتی وارسه ده بزمه معارفه لری یوق کیدر. بز قاج سنه اول سیاحتله استانبوله اوغرایان ابو بکر خان کورنلریمز اولدی. لکن دیگر لرینی کورن یوقدر.

هندستانک شمال طرفی مسلمانلری اولدیفنه

جسوردر. بر طاقم قبائلک اختلالی بر استلال فکرندن ویا اجنبی تشو قدن ایلری کلیور. بونلرک بزه التحاق و یا معاونت فکری خاطر لرینه کلدیکی کبی بالفعل و قوعی ده امکانلر اولدیفنی میدانددر. آره ده کی بعد مسافه دن غیری حوائل سیاسی و طبیعی هر کک معلومیدر. شمدی حال اختلالده بولان قبائلک حرکتی کندیلرینه ده فائده بخش اولوق امید یلک ضعیفدر. امور و تدابیر نه دوراندیش و احوال حاضر مه و قوقی آشکار اولان افغانستان امیری عبد الرحمن حضرتلرک مذکور قبائل محاربه یه ظهیر اوله مسی حرکتلرک بولنده اوله دیننه دلیل کافیدر.

بالفرض عموم هند لیلر آفاقلا یوبده بزم ظرفری التزام و ملککلر دن انگلیز لری حیا قارسه لر روسیه نک استیلاسنه دوچار اوله جقلری شبه سزر. چونکه اسکندری خارجی بر متعاقب زیر حکمنده یاشادقلری معلومدر. الک قوتی بولندیفنمزدن. و صورتاً حکیمان حرکت ایندیکمز دور قانونیده بزدن استمداد ایدن بچاره هند مسلمانلری نه معاونتده بولنه بیلر؟ امداد لر نه کیدن باشلردن بعضی قوری بر شهرته بعضی ده بر جوق ثروته نائل اولدی. دولت برشی قازانمادی. اولوقت بر پورتیکر حکومتیه مقاومت ایدمه لری بزدن استمداد ایدن هند مسلمانلرک شمدیکی اخلاقی — که انگلیز لره، روسلر و ملککلر نه کوزدیکن سائر بالجمه اهل طمعنه رغماً دول معظمه نک ضعیفی اولان وایشه بارار بر کیسی بولمیان — عثمانی دولته خیر دعادن غیری برشی یایمازلر. سائر اسلام حکومتلر دن عثمانی حکومتیه زیاده حسن ظنلری وارسه اوده حرمین شریفینک المزه بولمسیله قائمدر. بالفرض متفرق و بر بریدن بعید مملکتلر ده بولان هند مسلمانلری بزه فعلاً معاونت اتمک ایسته لر بشارنده بخاره ایدوب بویایده بر قرار اتحادیله اتفاق ایتنه لری نمکنمیدر؟ بو خصوصده اتفاقلری ده فرض اولنسه نه طرفدن و نه وجهله بزه دست معاونت لرینی اوزاده بیلرلر؟ بونک نه قره دن، نه ده دکردن امکانی اولمادیقی آب آشکاردر.

بزه اعلان ایدمه جکمز محاربه دینی سیله اوزریمزه متفقاً هجوم ایدمه جک اولان خریستانلر غلبه مز فرض اولنسه هند لیلر معاونت وظیفه سنی فصل ایضا ایدمه بیلر؟ سو قیات بریه و بحر مه بویله برامر عظیمک حصوله نمکنمیدر؟ بویله برشی شمدی یه قدر هیچ بروقت اولماش که شمدی حصول امکانی تخیل اوله بیلسون.